

REGLUGERÐ

um niðurfellingu eða endurgreiðslu aðflutningsgjalda af vörum
sem endurseldar eru til útlanda.

1. gr.

Heimilt er að falla frá innheimtu aðflutningsgjalda af ótollafgreiddum vörum svo og endurgreiða aðflutningsgjöld af þegar tollafgreiddum vörum sem endurseldar eru til útlanda.

2. gr.

Eftirtalin skilyrði eru sett fyrir því að heimild skv. 1. gr. verði beitt:

1. Varan sé ónotuð.
2. Endurútflutningur eigi sér stað innan árs frá komu flutningsfars til landsins, en innan þriggja ára sé varan geymd í tollvörugeymslu. Tollstjóri getur heimilað lengri frest ef um er að ræða varahluti í atvinnutæki sem geymdir eru í tollvörugeymslu.
3. Lögð sé fram hjá viðkomandi tollstjóra skrifleg beiðni um niðurfellingu eða eftir atvikum endurgreiðslu aðflutningsgjalda innan sex mánaða frá brottför þess flutningsfars er flutti hina endurseldu vöru úr landi.
4. Sýnt sé fram á með fullnægjandi hætti að mati tollstjóra að viðkomandi vara hafi verið seld úr landi.
5. Endurgreiðslufjárhæð nemi minnst 5 000 kr. eða 160 SDR einingum.

3. gr.

Beiðni skv. 2. gr. skulu fylgja eftirtalin gögn:

1. Samrit/afrit aðflutningsskjala þeirrar vöru er beiðni lýtur að, s. s. aðflutningsskýrslu, vörureiknings og farmbréfs.
2. Samrit/afrit útflutningsskýrslu með staðfestingu tollgæslunnar um magn hinnar endurútfluttu vöru.
3. Samrit/afrit útflutningsfarmskírteinis eða -fylgibréfs yfir útflutningsvöruna.
4. Listi er tilgreini tegund, tölu og magn hinnar endurútfluttu vöru, svo og útflutningsfar og brottfarardag ásamt staðfestingu gjaldeyriseftirlits (t. d. á vörureikningi) um skil á andvirði hins selda í erlendum gjaldeyri.
5. Útflutningsleyfi, ef um það er að ræða.

4. gr.

Hvers konar aðvinnsla hinnar endurseldu vöru er óheimil hér á landi að undanskilinni umþökkun eða skiptingu einstakra vörusendinga.

5. gr.

Tollstjórar, hver í sínu umdæmi, annast tollmeðferð samkvæmt reglugerð þessari. Fyrir hverja vörusendingu, sem endurseld er til útlanda, skal greiða tollskoðunargjald.

6. gr.

Tollyfirvöld skulu jafnan hafa heimild til að láta fyrirvaralaust rannsaka vörubirgðir umsækjanda, bókhald hans og önnur göng er varða innflutning og endurútflutning hans á vörum.

7. gr.

Röng skýrslugjöf eða framlagning rangra eða villandi gagna og röng upplýsingagjöf látin í té í því skyni að fá ívilnun á tolli eða gjöldum samkvæmt ákvæðum reglugerðar

þessarar, svo og önnur misnotkun ívilnunar sem veitt hefur verið samkvæmt ákvæðum hennar getur m. a. varðað við 63. og 67. gr. laga nr. 59 28. maí 1969 um tollheimtu og tolleftirlit með áorðnum breytingum.

Um meðferð mála vegna brota á reglum þessum fer að hætti opinberra mála.

8. gr.

Reglugerð þessi er sett samkvæmt heimild í 7. gr. laga nr. 46 30. maí 1984 um breyting á lögum nr. 59 28. maí 1969 um tollheimtu og tolleftirlit með áorðnum breytingum til að öðlast þegar gildi.

Fjármálaráðuneytið, 10. desember 1984.

F. h. r.

Björn Hafsteinsson.

Guðrún Ásta Sigurðardóttir.

LÖGREGLUSAMÞYKKT

fyrir Akraneskaupstað

Nr. 472

4. desember 1984

I. KAFLI

Um reglu og velsæmi á almannafæri.

1. gr.

Á almannafæri mega uppbót eða óspektir ekki eiga sér stað. Ekki mega menn þyrpast saman á almannafæri svo að til tálma sé fyrir umferðina eða til óþæginda fyrir viðstadda. Þegar talað er um almannafæri í samþykkt þessari er átt við götur, vegi og svæði sem almenningur fer um eða ætlað er til almenningsafnota, s. s. leikvelli, sölutorg, bryggjur, íþróttavelli, útivistarsvæði o. s. frv.

Um veitingastaði, almennar knattborðsstofur, afgreiðslustaði bifreiða o. þ. h., kvikmyndahús, leikhús og önnur samkomuhús gilda ákvæði samþykktar þessarar eftir því sem við á.

2. gr.

Þegar fjölmenni safnast á almannafæri, þ. á m. við dyr kirkna, sölubúða, leikhúsa eða annarra samkomuhúsa eða annars staðar þar sem almenningur kemur saman skal fólk raða sér þannig að þeir sem fyrstir koma fái fyrst afgreiðslu og haga sér í öllu eftir þeim fyrirmælum sem lögreglan eða umsjónarmaður setur til að halda uppi röð og reglu.

3. gr.

Skipulagðar skrudgöngur, mótmæla- og kröfugöngur og útifundi ber að tilkynna til lögreglunnar og skulu þátttakendur hlýða fyrirmælum lögreglunnar svo að gæta megi góðrar reglu og umferðaröryggis.

4. gr.

Við sjúkrahús og elliheimili eða annars staðar á almannafæri má ekki fljúgast á, æpa, kalla, blístra, syngja hátt eða hafa í frammi annan hávaða eða ofsalegt eða móðgandi háttalag sem raskar allsherjarreglu eða ónáðar vegfarendur. Viðstadda eða þá sem búa í nágrenninu.